

得捐捨犯者令有重罪於是國中人民以啖活故上下相教奉修五戒修行十善死得昇天無入三惡道者佛告阿難諸來會者宿命朕身我身是也時盲父者今現父王閻頭檀是也時盲母者今現我母王夫人摩耶是也

迦夷國王者阿難是也時天帝釋者彌勒是也使我疾成無上正真之道決皆是我父母育養慈恩從死得生感動天龍鬼神父母恩德重孝子所致今得爲佛并度國人皆由孝順之德佛告阿難汝廣爲一切人民說之人

有父母不可不孝道不可不學濟神離苦後得無爲皆由慈孝學道所致佛說經已諸菩薩比丘比丘尼優婆塞優婆夷國王大臣人民長者居士莫不加敬稽首佛足作禮而去菩薩朕子經

佛說朕子經

姚秦三藏法師釋聖堅譯

聞如是一時佛在毗羅勒國與千二百五十比丘及衆菩薩國王大臣長者居士清信士女不可稱計一時來會佛告諸比丘皆處定

意聽我前世初得菩薩道時戒行普具精進一心修集智慧善權方便功德累積不可稱計諸天龍鬼神帝王人民無能行者阿難聞佛言更正衣服長跪又手白佛言願欲所聞佛告阿難乃往過去無數世時有菩薩名曰一切妙行慈仁惠施救濟群生常行四等心度世危難育養苦人在兜率天上教授天人常以晝夜各三時定意思惟三昧照觀十方天下人民善惡之道知有父子孝順父母奉事三尊恭順師長修諸功德者常以天眼徧

觀五道時有迦夷國中有一長者孤無兒子夫婦兩目皆盲心願入山求無上道決修清淨志信樂空閑菩薩念言此人發意欲學妙道而兩目皆盲目無所覩若入山中或墮溝坑或逢毒蟲所見危害若我壽終爲其作子供養父母終其年壽於是菩薩壽盡即便下生盲父母家爲其作子父母歡喜愛之甚重本發道意欲行入山以生子故便樂世間子年十歲號曰啖子至孝仁慈奉行十善不殺不盜不婬不欺不飲酒不妄言不綺語不嫉

妬信道不疑晝夜精進奉事父母如人事天
言常含笑不傷人意行則應法不望傾斜於
是父母即大喜悅無復憂愁至年過十歲啖
自長跪白父母言本發大意欲入深山志求
空寂無上之道卷五
九豈以子故而絕本願人居世
間無常百變命非金石對至無期願如本意
宜本先志自隨父母俱共入山侍養之宜不
失時節父母報啖言子之孝順天自知之不
違本誓便當入山啖即以家中所有之物皆
施國中諸貧窮者便與父母俱共入山啖子

至山中以蒲草爲父母作屋施置牀褥不寒
不熱恒得其宜適入山一年衆果豐美食之
香甘泉水涌出清而且涼池中蓮華五色精
明栴檀雜香樹木豐茂香倍於常風雨以時
不寒不熱樹葉相接以障雨露蔭覆日光其
下常涼飛鳥翔集皆作妓樂之音以娛樂盲
父母師子熊羆虎狼毒獸皆自慈心相向無
驚害之心皆飲水散果無復驚怖之心麞鹿
衆鳥皆來附近與啖音聲相和以娛樂盲父
母啖至孝仁慈無有過蹈地常恐地痛天神

山神皆作人形晝夜慰勞三道人一心定意無復憂愁。睞常與父母取百種果蓏以食父母。父母時渴欲飲。睞著鹿皮衣提瓶行取水。麋鹿飛鳥亦復往飲不相畏難。時迦夷國王入山射獵。王見水邊有麋鹿飛鳥引弓射之。箭誤中睞。睞被毒箭甚痛。便大呼言誰持一毒箭射殺三道人。王聞人聲下馬往到睞前。睞謂王言象坐牙死。犀坐角死。翠坐毛死。麋坐皮死。今我死無牙無角無毛無皮肉不可取。今有何罪。橫見射殺。王言卿是何人。被

鹿皮之衣與禽獸無異。睞言我是王國中人。與盲父母俱來學道二十餘年。未曾爲虎狼毒蟲所害。今便爲王箭所射殺之。當爾之時。山中大風暴起。吹折樹木。飛鳥禽獸。師子熊羆。虎狼毒獸。皆號呼動一山。中日無精光。流泉爲竭。衆華萎死。雷電動地。時盲父母即自驚起曰。是何變異。睞行取水。經久不還。將無爲毒蟲之所害耶。禽獸悲鳴音聲。號呼不如常時。風起四面。樹木摧折。必有灾異。王時怖懼。大自悔責。我本射鹿。箭誤傷中。射殺道人。

其罪甚重坐貪少肉而受重殃我今以一國財寶宮殿妓女丘郭城邑以救子命時王便前以手拔睂胷箭箭深不可得出出飛鳥禽獸四面雲集悲鳴呼喚動一山中王益怖懼支節皆動睂言非王之過我自宿罪所致我不惜身命但憐我盲父母年旣衰老目無所見一旦無我亦當終歿以此懊惱酷毒耳當爾之時諸天龍神皆爲肅動王便重言我寧入泥犁中百劫受罪使睂身活長跪向睂悔過若睂命終我當不復還國便住山中供養卿

盲父母如卿在時勿得爲念天龍鬼神皆當證知我不負此誓睂聞王此誓雖被毒箭心喜意悅雖死不恨以我父母累王供養王當罪滅得福無量王言卿語我父母處及子未絕吾欲知之睂即指示從此步徑去是不遠自當見草屋父母在其中止王徐徐往勿令我父母驚動怖懼以善方便解語其意王當爲我上白父母我無常今至當就後世我不惜身命但憐我盲父母年已衰老目無所見一旦無我無所依仰以此懊惱自酷毒耳我第五十一

死自分宿罪所致無可得脫今自懺悔從無
數劫有身以來所行衆惡於此罪滅願與父
母世世相值不相遠離當令父母終保年壽
勿有憂患天龍鬼神常隨護助灾害消滅所
欲應意無爲自然王將數人詣父母所王去
之後啖奄死矣百鳥禽獸四面雲集皆大號
呼遶啖屍上舐是曾血盲父母聞此音聲益
怖彷徉而住王行駛疾觸動草木蕭蕭有聲
父母驚言此是何人非我子行王言我是迦
夷國王聞盲道人在山學道故來供養盲父

母言枉屈大王來相慰勞遠臨草野王當疲
極體安隱不宮殿夫人太子官屬皆安善不
風雨和調五穀豐不隣國人民不相侵害耶
王答道人得蒙尊恩常自平安又更問訊在
此山中勞大勤苦樹木之間甚難爲止自安
隱不盲父母言蒙大王恩常自安隱我有孝
子名字曰啖常取果蓏泉水無乏我有草席
王可就坐果蓏可食啖行取水正爾來還王
聞盲父母言又大傷心涕泣其言我罪實重
入山射獵遙見水邊有諸群鹿引弓射之箭

誤中眩道人子眩已被毒箭其痛甚酷今故
自來語道人耳父母聞之舉身自撲如太山
崩地爲大動號哭仰天自陳訴言我子眩者
天下至孝無有能過蹈地常恐地痛有何罪
故而射殺之向者大風卒起吹折樹木百鳥
悲鳴皆大號呼動一山中我在山中二十餘津五
年未曾有此灾異之變而我子眩取水不還
恐當有故諸神皆驚肅肅而動母便涕哭不
肯復止父言且止人生世間無有不死無常
對至不可得却但問王眩爲射何許今爲死

活王以眩語向父母說其盲父母聞王此語
又大感絕一旦無子俱亦當死大王今者牽
我二人往子尸上王即牽盲父母往到尸上
父抱其頭母抱兩脚著膝上各以兩手捫摸
眩箭仰天呼言諸天龍神山神樹神我子眩
者天下至孝是諸天龍神所知我年已老目
無所見身代子死眩活不恨於是父母俱共
誓言若眩至孝天地所知箭當拔出毒痛當
除眩應更生於是第二忉利天帝座即爲動
以眼見此二盲道人抱子號呼乃聞第四兜

率天上釋梵四王從天上来如人屈伸之頃
來住睞前以神妙藥灌睞口中藥入睞口箭
拔毒出更生如故父母聞睞已死更生兩目
添五
皆開飛鳥走獸皆大歡樂之音風息雲消日
爲重光流泉涌出清而且涼池中蓮華五色
十三
精明栴檀雜香樹木光榮香倍於常時王歡
喜不能自勝禮天帝釋還禮父母及子睞者
願以一國所有財寶俱上道人自相供養令
我罪滅永無有餘睞語王言欲興福者王但
還國安慰人民當令奉戒王勿射獵橫殺無

辜身不安隱壽終當入泥犁之中人居世間
恩愛暫有別離長久不得常在王宿有福今
得爲王莫憍自在以自在故造無量惡後入
惡道悔之何益王答如教隨王獵者見睞死
已得天神藥死而更生父母眼開神變如是
悉奉五戒修行十善死得生天無入惡道佛
告阿難諸來會者宿命睞者吾身是也盲父
者闊頭檀王是盲母者今王夫人摩耶是也
迦夷國王者阿難是天帝釋者彌勒佛是佛
告阿難吾前世爲子仁孝爲君慈育爲民奉

敬自致得成爲三界尊佛說經已時諸菩薩比丘比丘尼優婆塞優婆夷莫不歡喜作禮而去

佛說賤子經

佛說九色鹿經

吳月支優婆塞支謙譯

佛言昔者菩薩身爲九色鹿其毛九種色其角白如雪常在恒水邊飲食水草常與一鳥爲知識時水中有溺人隨流來下或出或沒

得著樹木仰頭呼天山神樹神諸天龍神何不愍傷我也鹿聞人喚聲即走往水邊語溺人言汝可勿怖汝可騎我背捉我角我相資出上岸鹿大疲極溺人下地遶鹿三匝向鹿叩頭乞爲大家作奴給其使令採取水草鹿言不用卿也且各自去欲報恩者莫得道我在此間人貪我皮角必來殺我於是溺者受教而去爾時國王夫人夜夢見九色鹿意欲得其皮角即託病不起王問夫人言何以不起夫人答言昨夜夢見非常鹿其毛九種色